



# Ямде лий

ВЛКСМ МАРОБКОМЫН ОРГАНЖЕ  
Адрес: Йошкар-Ола, Совет пöрт, „Ямде лий“ редакций.



## Виян лийже героический Армий!

### Мемнан родинан героический Армийже

23 февральште Паша-Кресаньык Йошкар Армийын да Военно-Морской Флотын XXI идалыкше темеш. Чыла боец, командир, комиссар, политработник-шамыч военный присягым пуат. Нунын дене пырля уло Советский калык мемнан Армийын XXI идалыкшым шокшына вавлиеш.

Мемнан Армий—калык эргыже. Тудым Ленин—Сталинын партий создатлен да куштен. Великий Ленинын да Великий Сталинын лично вуйлатымшт дене Йошкар Армий ден Военно-Морской Флот элысе контрреволюцийым да иностранный интервенцийым йоршеш шалатен, мемнан родинан, Октябрьский социалистический революцийын пашажым, сенымашжым арален коден.

Йошкар Армий—эрыкш лекше пашазе ден кресаньыкын, Октябрьский революцийын армийже, пызырналт илыше калыкын интересе верч шогышо, интернационализм духеш воспитатлатше армий. Теве молан Йошкар Армий туняште эн виян, эн куатан, сенаш лийдыме, калыкын йоратыме армийже.

Йошкар Армий шке героизмжым, куатшым, технический чот вооружатлатше улмышым Хасан ер районышто уло тунялан ончыктен да ончыкжат мемнан элыш керылтат тоштыш кеч могай тушманым шалатат туналеш. Мыланна Йошкар Армийым, Йошкар Флотым да Йошкар Авиацийым эше утларак вияндаш, пенгыдемдаш кулеш. Иоча шамычланат военный пашам, техником сайын тунемман, пусо шинчан да бдительный, кулеш лийме годым родина аралымаште ямде лийман.



### СОВЕТСКИЙ ЭЛЫСЕ ВОИНЫН КЛЯТВЫЖЕ

Шкенжын XXI ий темме знаменательный кечыжыже Пашазе-Кресаньык Йошкар Армий шке калыкшылан, шкенжын Советский родинылан да Пашазе-Кресаньык правительствылан верный лияш товатла.

Чыла военнослужащий—боец, командир да политработник-шамыч 1939 ий 23 февральште военный присягым торжественно приниматлаш тунгалыт. Нунын кокла гыч кажныже шке подписше дене присягым индивидуально пенгыдемда.

Присягын текстыштыже ойлатеш:

„Мый, Советский Социалистический Республикашамыч Союзын гражданинже, Пашазе-Кресаньык Йошкар Армийын радамышкыже шогалын, честный, храбрый, дисциплинированный, бдительный боец лияш, военный ден государственный тайным строго аралаш, чыла воин-

ский уставым да командир, комиссар ден начальник-шамычын приказштым мутде шукташ присягым приниматлем да торжественно товатлем“.

Пашазе-Кресаньык Йошкар Армийын кажне боецше, командирже да политработникше-шамычын кулеш качествышт, тиде—шке родина дек, шке йолташ дек, шке правительство дек, коммунистический (большевик-шамыч) партий дек честно относитлымаш, Ленинын заветше-шамычым да калык-шамычын великий вождышын родной Сталинын ончыктымжым честно шуктымаш.

Клятвым пумек, родина ден калык ончылно пүтывек ответственный улмышым шинчен, каласа:

„Мый шкемын тиде торжественный присягым осал шонымаш дене пудырттем гын, то мыланем советский законы суровый караже, шемер-шамычын всеобщий ненавистышт да

презренийшты логалышт“. Мемнан закон—калыкын интересшым пенгыдын аралыше, туняште эн справедливый закон,—родинын изменникше-шамычым йоршеш ок чамане.

Советский калык шкенжын пиалан, эрыкан илышжым тушман-шамыч дене чот кредалмашен сенен налын. Ленинын—Сталинын большевистский партий вуйлатыме дене Советский калык айдемын историйштыже уждымо социалистический обществом ыштен.

Мемнан куатан, чапле Пашазе-Кресаньык Йошкар Армий сенаш лийдыме.

Военный присяга Йошкар Армийын радамжым эше чот пенгыдемда, социалистический отечествым аралышаш верч, пүтүн туняште коммунизмын сенымашыже верч ончыкылык тале бойлаште кучедалаш тудын улмышым ончыктат.

Полковник А. Родимцев,  
Советский Союзын Геройжо.

### Сай пöлөк

Ме, отрядной сборыштына ВКП(б)-ын XVIII-ше с'ездшым чапле пöлөк—сай да отлично отметке дене вашлияш решитлышна.

Шыжым отрядыштына 10 пионер-шамычын плохотметкышты ыле. Ваш-ваш полшым дене начар отметкым пытарышна. Дисциплина саемын.

Начар тувемше-шамычлан эре полшен шогена. Теве Петрова Надян плохотметкыже ыле, тудо кұрылтде полшен шогымо дене начар отметкым пытарен. Кызыт сай да отлично тунемеш.

Пумо мутнам сайын шуктена.

Коротков Вася.

Ронго район,  
Рух-Сола НСШ.

### Мый Полина Осипенко гай героиня лийнем

Мый 3-шо классыште тунеман. Мыйын отметкешамыч начар огытыл: 1-ше ден конымшо чырыклаште эре отлично да хорошо велэ ылыч. А ынде кумышо чырыкыште чыла предмет денат отлично отметкым валаш тыршем.

Образованийым налмекем мый летчицалан тунемаш каяш шонем, мый Полина Осипенко гай герой-летчица лийнем.

Александрова Марина.

Сотнур район, Отымбал начальная школа.

### Спектакльым шындена

Школыштына драматический кружокым Яковлев Г. сайын вуйлата. 33 член-шамыч чыланат кружокын активный членышт улыт.

Йошкар Армийын да Военно-Морской Флотын 21-ше идалыкшылан „18-ше ий“ луман пьесым модын ончыктена. Спектакль сай лиймашлык—ме тудым шуко жап ямдылен улына.

Дубровин М.

ден Плотников Л.

Цибикур средний школа,  
Йошкар-Ола район.

### МЕ ЛИЙНЕНА:



Чапаев гай,




герой-летчик,



тале кавалерист,



луддымó пограничник,



морьяк.



# ЭРЫК ДЕН ПИАЛЫМ АРАЛЫШЕ ЙОШКАР АРМИЙЛАН ПИОНЕРСКИЙ САЛЮТ!

## ЙОШКАР АРМИЙ ВИЯН ДА СЕНАШ ЛИЙДЫМЕ

Пашазе-Кресаньык Йошкар Арми́й гражданский войнан порох шикшешыже да тулешыже шочын, кунам мемнан шемер калык белогвардеец ден вес элласе империалист-захватчик-шамыч вастареш кредалыныт. Йошкар Арми́й Ленин ден Сталинын вуйлатыме большевистский партий организаватлен да куштен.

Тиде 1918 ийыште лийын. Советский республика лиймылан икмыняр тылзе велэ эртен ыле. Советский властын тушманже-шамыч—русский белогвардейский генерал ден вес элласе захватчик-шамыч троцкист, бухаринец да моло предатель-шамычын полшымышт дене самырык советский республик чыла могырымат шкеныштын войскашт дене авыренит. Нуно советский республикы пытараш да властын капиталист ден помещик-шамычлан уэш пуаш тыршенит. Белогвардеец ден вес элласе захватчик-шамычын сенашлан большевик-шамыч партий куатле постоянный Йошкар Арми́йым организаватлаш решитлен. Революцийн вождыш Владимир Ильич Ленин 1918 ий 28 январьыште Пашазе-Кресаньык Йошкар Арми́йым ыштыме нерген декретым подписатлен.

Йошкар Арми́й радамыш шудб тужем дене пашазе ден кресаньык-шамыч шкеныштын социалистический родиным аралаш шогалыныт. Даже школьник-шамычат революцийн тушманже-шамыч вастареш кредалаш Йошкар Арми́йым каенит. 1918 ий 5 мартыште Петроградсе „Красная газета“ тыгай заметкым печатлен:

— Озеркышто чыла 7 класс турыснec Йошкар Арми́й радамыш шогалын.

— Юный герой-шамычлан чап!

Йошкар Арми́йын вои́нже-шамыч гражданский войнан фронтлаштыже лудде кредалыныт. Йошкар Арми́йын луддым да таланттан полководец ден геройыштым М. В. Фрунзем, К. Е. Ворошиловым, С. М. Буденным, Г. И. Котовским, В. И. Чапаевым, Н. А. Щорсом, Сергей Лазом да шуко моло йолташ-шамычым уло туня пала.

Йошкар Арми́йын чыла

фронтлаше боевой операци́й-шамычым Ленин ден Сталин вуйлатыныт. Парти́йын Центральный Комитетше да лично Ленин эреак Сталин йолташым эн нелэ, шуко участкылашке да фронтлашке колтыныт. Троцкист-шамычын предательский планыштым да революцийн моло тушманже-шамычын предатель-



Хасан ер районышто кредалаште участвоватлыше, Советский Союз Герой Д. Т. Левченко йолташ.

ский планыштым Сталин йолташ метко разоблачитлен да Йошкар Арми́йын сенымашыжым организаватлен.

Сталин йолташ Юденичын да Деникинын белогвардейский армийыштым шалатымашым организаватлен. Сталин йолташ Царицын олам тушман-шамыч деч утарен. Тудо олагыч республикын промышленный олаш пашазе-шамыч да Йошкар Арми́йын войскаже-шамыч продовольстви́йдене снабжатлалтыныт. Сталин йолташын инициативше дене знаменитый Первый Конный Арми́йым ыштыме. Тудым кредалмыже да сенымыже нерген советский калык мурым мур.

Гражданский война пытен. Тушман-шамычым шалатыме, нунын кодшыштым советский мланде гыч покте́н колтымо. Ленин—Сталин партийын вуйлатымыже дене мемнан шемер калык социализм, зажиточный да культурный илышым ыштен.

Но, мемнан социализм элнам враждебный империалистический государство-шамыч авырен шогат. Фа-

шист-шамыч СССР-ым ненавидитлат да мемнан вастареш войнам ямдылат. Мемнан ви́йнам лунчырташлан тушман-шамыч СССР-ыш шпион, вредитель да пуштедыше-шамычым колтылыт.

Тушман шамыч мемнан йыр авырен шогат. Мыланна Йошкар Арми́й ден Военно-Морской Флотым пенгыдемдаш кулеш, пусошнычан да бдительный лияш кулеш—идым мондап огыл манын, мемнан йоратыме вождь да учител Сталин йолташ мемнан эр тунькта.

Коло ий жапыште мемнан Йошкар Арми́й куатле да сенаш лийдыме ви́йыш савырнен. Гражданский война ийлаште чыла красноармеец-шамычлан винтовка ситен огыл гын, кызыт Йошкар Арми́й талын кошшо танк, скоростной истребитель-самолет, торашке луйшо орудий, скорострельный пулемет да моло первоклассный орудий-шамыч дене вооружитлалтын. Мемнан Военно-Морской Флот кушкеш да пенгыдемеш.

Йошкар Арми́йын эн шерге да эн кугу ви́йже тиде—тудын еңже-шамыч—красноармеец, командир ден политработник-шамыч улыт. Нине—калыкын честный, луддым да ви́ян эргыже-шамыч, большевистский партий ден родивалан пре-



Хасан ер районышто кредалаште участвоватлыше, орденонсец А. В. Гальянов йолташ.

данный-шамыч, шкеныштын уло ви́йыштым, уло илыштыштын родинам аралыме папалан пуаш ямде улыт.

1938 ийын, кенгежым Хасан ер районышто мемнан границыш японский самурай-шамыч керылтыныт. Уло советский калык кугу шыдыже дене шогале. Заозерная высота верч кредалаште участвоватлыше, Советский Союзын Геройжо, лейтенант Иван Мошляк теве мом каласкала:



Хасан ер районышто кредалаште участвоватлыше, младший командир Т. Шляхов йолташ.

„Японец-шамычын шупшын валме Заозерная сопка деран икмыняр кече кредалаш каен. Тушман чакнен огыл. Командований самурай-шамычым высота гыч покте́н колташ да тушан Йошкар знамям шогалташ приказым пуэн...”

Иктат лудын шоген огыл. Ме эре овчык каен улына. Тушман кашак чакнаш тунглыч. Самурай-шамыч сопкын тайылже дене улыкбортын воленит.

—Мыйын кидыштем знамя ыле. Мый тудым сопкын вершинешыже шогалташ манын нумалынам. Теве вершина мемнан. Йошкар знамям мландыш шогалтымек мый кычкыралым!

— Кужу умыран лийже Сталин йолташ!

... Тунам ик жаплан кредалаш чарныме гай лие.

Секунда гыч японце-шамыч уэш атакыш шогалыныт. Уэш бой тунгале. Знамя сопка умбалне кугешнен йолген. Тудым налын кертше ви́й лийын огыл. Тушман кыралтын да священный советский мланде гыч уштын лукталтын. Ме шумштына Сталин лум улмо дене сенен улына”.

23 февральыште ме Пашазе-Кресаньык Йошкар Арми́й ден Военно-Морской

Флотын 21-ше идалыкшым пайремлена. Тиде кечын СССР Верховный Совет Президиумын Указше почеш Йошкар Арми́йын, Йошкар Флотын, да НКВД частылаше боецышт, командирышт да политработникишт родиналан ушанле лияш военный присягым пуат. Нуно военный пашам чот тунемаш, храбрый, честный, дисциплинированный, бдительный боец лияш, советский родиналан да Пашазе Кресаньык Правительствылан преданный лияш, партий ден правительствын первый сигналышт почеш тушман вастареш шогалаш да тушманым кушеч толын, тушмак кыраш товатлат.

Нуно шке товатлымашыштым шуктат. Нунын дене пырля тушман вастареш уло советский калык шогалеш, да кеч могай тушманат Хасан районышто японский самурай-шамычым шалатыме семынак шалаталтеш.

Н. Сергеев.





# Ачанан пашаштым шуктена!

## АЧАНА ГАЙ ЛИИЫНА

Мемнан ачана Михаил Васильевич Фрунзен колымжо годым мый 5 ияш, а Тимур шолым 3 ияш ыле.

Мый ачамын колыммо ийыштыже мемнан дек Крымыш толмыжым изишак шарнем. Москваш портылмына годым поездшты ачам колыммо нерген ойго увер налым шарнем.

Мемнан дене ачана кеч кунам пеш ласка да пушкыдо кумылан ыле.

Ачамын лишыл йолташыже Климент Ефремович

Ворошилов мыланна Фрунзен большевизм пашалан преданный улмыжо нерген, мужественный, храбрый, пенгыде да чакныдыме волян улмыжо нерген, революцийн тушманже-шамыч дек неприимый улмыжо нерген шуко ойлен.

Ме ачанан талантливый полководец улмыжо нерген шуко колым улына. Тудо рвезыже годымак военный историйым йоратен да тудым чаплын тунемын. Ачана ай-



Татьяна ФРУНЗЕ

дема дек внимательный, но бойышто смелый да суровый, тушманым чаманыдым ыле.

Ме коктынат комсомолец улына. Шолым специальный школы 9-ше классыштыже тунемеш, а мый МГУ-н химический факультетыштыже тунемам Сар туналеш гын, ме коктынат винтовкым налына, Йошкар Армий редамыш шога лына.

Ме ачана дене кулешна, ачана гай лийына.

Большевик-шамыч партийн да социалистический революцийн гениальный вождыш-шамычын—Ленин ден Сталинын вуйлатыме Йошкар Армий гражданский сар да иностранный военный интервенций ийлаште шуко герой-шамычым таптен луктын. Йошкар Армий редамыште Чапаев, Лазо, Щорс, Фрунзе, Пархоменко гай герой-самородок-шамыч шукин кучедалыныт, нуно шке илышыштым коммунизм пашалан пузныт.

Ме тиде номереш „Спутник агитатора“ журнал гыч Фрунзен, Щорсын, Пархоменкон, Лазон да Чапаевын икшывыштын статьяштым печетлева. Кунам кулеш лиеш, нуно пүтнеч советский калык дене пырля Родином аралаш шогадыт да тушманым кушеч толын, тушакак кыраш тугалыт.

## Ачанан шонымыжо шукталтын

Луганский пашазе-слесарь, мемнан ачана Александр Яковлевич Пархоменко чыла шке илышыжым революцийлан, калыкклан пуэн. Ворошилов йолташ ден пырля, тудын вуйлатымыже дене ачана подпольный революционный пашам ыштен. Кугыжан полиций тудым предсследоватлен, тюрьмалашке шындылын.



Майор Иван Пархоменко Ст. лейтенант Е. Пархоменко

1917 ий шуын. Ачана винтовкым да шашкым кидышкыже нале. Луганскыште тудо Йошкар Гвардийым организоватла да вуйлата. Тудо бронепоезд дене командоватлен да Ворошиловлан германский интервент-шамычым шалаташ полшен. Тудо Дон гоч кайше легендарный „Ворошиловская колонна“ походышто да Царицыным героически аралымаште участвоватлен. Первый Конный Армий редамыште ачана Донбассым да пүтнеч Украиным эртен. 1920 ийын кенжежым Пархоменкон дивизийже готышкыш фронтым курлын, а октябрьыште тудо Врангель шалатымаште да Крымым освободитлымаште участвоватлен.

Мемнан ачана луддым командир ыле. Тудо гражданский войнан пытымыже лишан, 1921 ийын 3 январьыште колен. Тудым махновец-шамыч банда неравный боешруэн пуштыныт.

Ме ача деч посна кодынна, но тулык лиын огына ул. Ме пүтнеч эл ден пырля кушкына, мемнан Ленинско—Сталинский комсомол воспитатлен, мемнам большевистский партий куштен.

Ачана мемнам тувыкташ шонен. Ачанан шонымыжо шукталтын. Ме тунемынна, пачаанна военный летчикын почетный специальным налына.

## ЛУДДЫМО КОМАНДИР

Мый ачамым пушмо деч икмыняр тылзе вара шочынам. Мланем тудын нерген авам Ф. Ростова—Щорс—Щорсын ватыже да боевой йолташыже шуко ойлен.

Ачам ең-шамычым пеш йоратен. Утларакшым тудо йоча-шамычым йоратен. Изиш гына ара жапше улмо годымат тудо йоча-шамыч дене пырля шинчылтын, нуным сийлен, пырля молы.

Щорс ең-шамычым пален моштымо дене ойыртемайт шоген. Тудо тушманым пашажым вашке пален кертын.

Предатель Троцкийн действийыштыже подозрительность улмо нерген тудо шижын валын. Троцкий да тудын ставленникше-шамыч западный фронтым почашлан Щорсын дивизийжым вес верыш колташ шоненыт. Троцкий Ленинн директивше ваштареш каен, Украина гыч войскам восточный фронтшым кусараш



Валентина ЩОРС

тыршен. Украиншым Сталин йолташ толын да Троцкийн предательский планжым разоблачитлен.

Щорс шкенжын вийжым, илышыжым чаманыде, родина верч, большевистский паша верч талын кредалын. Тудо мужественный, пенгыде волян, волгыдо ушан айдеме ыле.

Мый ачам дене кулешнем да Ленин—Сталин пашалан, коммунизм пашалан ачам гае преданный лиям.

## УДЫРЖО АЧАЖЕ ОЛМЕШ ШОГАЛЕШ

Мыйын ачам—Сергей Лазо калыкым шокшын йоратыше, царизм, капитализм, шакше эксплуататорский стройжым моткоч чот ненавиитлыше айдеме улмаш.

Февральский революцийн первой кечылаже гычак Лазо пашазе да салтак депутат—шамычын Красноярский советыште полковой комитет членлан пашам ышта. Тиде жап гыч Лазо колымешкыже пашазе классын пашаже верч нойыде кучедалеш. Тудо Иркутскышто восстатлыше юнкер-шамыч ваштареш, Забайкалыште Семеновын бандыже ваштареш, вара контрреволюционный восстанийым ыштыше чех-шамыч ваштареш, Колчак да японский интервент-шамыч ваштареш кучедалеш.

1920 ийын 5 апрельыште йудым япон-шамыч Лазом паровозный топкеш йулатеныт.



Ада ЛАЗО

Лазо пытен. Но революцийн сенгымжлан тудо пенгыдын ушанен. Тудын ушанже оправдатлатын.

Мый кызат комсомолка улам. Историко-Философско—Литературный институтшто тунемам. Институт пытарымек Дальний Востокыш каяш да ачамын крдалме верыштыже пашам ышташ шонем.

## РОДИНА ВЕРЧ, СТАЛИН ВЕРЧ!

1938 ийын 8 ноябрьыште мый столицын Йошкар площадьыште парадыште участвоватлышым. Тиде эрдене мый ачам нерген, гражданский сарын геройжо-шамыч нерген шуко шонышым.

Кугу лиймекына, ме Александр изам дене революций Музейыште ачана нерген аралалтыше чыла документ-шамычым тунемын лекна.

Чапаев нерген шукож годым—талантливый военный стратег да тактик, мадын шуко ойлат. Тиде чын. Но тунгыштыжы, мый шонымаште, теве мо: тудо калык дене пеш чот кылдалтын улмаш, тудо ең-шамычым уло кумыл дене чумырен, сенымашыш конден моштен.

Тушман-шамыч Чапаев деч моткоч чот лудыныт. Чапаев алагушто лишан мавым колын, тушман-шамыч нигуш пурен каяш брыныт. Чапаевын



Ст. лейтенант Аркадий ЧАПАЕВ

ударже эре вучыдым, волгыно семын да шалатыше лийын

Ме, Чапаевын эргыже-шамыч, социализм элын миллион дене патриотшо-шамыч семынак родина верч, партий верч, Сталин верч, коммунизм верч шкенан вурнам пытар тыш чучалтыш марте пуаш ямде улына.



## Яншитовлан кō тыгай правам пуэн?

Кугу-Чарнур туналтыш школышто 4-ше класс марте Смирнова Катя эре отлично да хорошо дене гына тунеме. Нылымше классыште тунемаш туналмекше пионер радамыш пуреш. Школышто тудо эн сай тунемше ыле.

Тевий Смирнова Катян аваже вес марилан—Яншитов Федорлан марлан кайыш. Катят у ачаж дене илаш тунале.

Тидын деч вара Катя ала молан школыш кечым коден кошташ тунале. Садлан успеваемостьшат волаш, кокимшо чырыкыште ударница радамыш пуреш ыш керт.

Молан вара тыге лийыш? Яншитов Федор пионерка отличница Смирновам обижаяш туналын. Аважат тудын дене келшен.

Теве январь тылзыште ик эрдене уроклан ямды лалтмекше Катя кочкаш йодо. Яншитов гуллан сырышат, Катям кырен, ушб гыч сакен йушб портчык лугтын кудалтыш. Катя шагат наре кычел кертде шортын кийыш. Тиде кече школышкат ыш тол. Эрлашыжым шуйжо пуалын, вуйжо корште—адакат школыш толын кертн огыл.

Тидат огеш сите, Качырим пеш чот лудыктылт. Тудо ен-шамыч дене гына мален коштеш. Кызыт тазалыкшат начарештын.

Смирнов Л.

„Волгыдо“ колхоз,  
Кузнецер район.

Редакций деч: Деткор Смирновын статьяже мемнан элын честный пионеркажым Смирнова Катям Яншитовын йордымын воспитанымжым ончыкта. Кузнецер прокуратура дечын тиде пашам терген налын, титаканым мут кучаш шогалташ йодына.

1938 ий 19 февральште „Таймыр“ ден „Мурман“ ледоколшамыч „Северный полюс“ полярный станцийын ныл зимовщикшым ийын кошшо ий умбачын налын.

Тиде волнующий жап нигунамаг огеш мондалт! Кок советский ледокол-шамычын кандашлуморьякышлойгалтше флаг дене лагерь дек лишемныт. Нуно кугу шторм да кужго ий гоч мемнан дек толыныт. Лагерьыште мемнан родинан йошкар знамяже йолген. Шерге уна-шамычым йоратыме Сталинын портретше дене ме вашлийын улына.

Моряк-шамыч мемнан лум портна дек толыч. „Смирно!“ команда шергылте. Экспедицийым вуйлатыше рапортым пуыш, изирак митинг лиймек, ме каяш тарванышна.

Пытаргыш гана ий умбач радиогаммым колтенам. Дрейфоватлыше лагерьын зимовщикше-шамыч „Северный полюс“ полярный станцийын пашажым ыштен пытарыме нерген Сталин йолташлан, партий ден правительствын руководитель-ыштан рапортоватлышт.

Ий умбачыме илыме жапыште ме шуко научный пашам ыштен улына. Ийын пеш мундырк—Северный полюс гыч Гренландия остров дек шумеш каймыжым ме тунемын улына.

Москва деч, родина деч ме пеш тораште лийын улына.

Но советский калык дене кыл кучымаш эреак лийын. Ийын кошшо мемнан изи островым материк дене радио ушен шоген.

Мемнан станцийын чыла пашажым Северный полюсын „ошаже“, советский йоча-шамычын сай танже Иван Дмитриевич Папанин вуйлатен. Бодрый, илышлан куаныше тиде ен мемнам эре куандарен. Тудо северын суровый, кугу природжым шукертсек йората да шкенжын илышжым тулын тайна-шамычшым пален шукташлан посвятитлен.

Визымыше „зимовщик“ Веселый пнят мыланна шуко полшен. Тудо ош маска-шамычын толмышт годым мыланна шижтарен.

Полюсым родиналан, наукалан, чыла человечествылан служительшым ышташлан ме полюсым большевистски овладеватлен улына.



А. Папанин — начальник экспедиции на Северный полюс.



К. Федоров — командир экспедиции.



И. Щеголев — член экспедиции.



П. Петров — член экспедиции.

Полярный бассейн эн покшелныже арктический кайышамычым—ош чайкым, пуночкам, чистикым ужмек, мемнан лагерьыште могай кугу куанышамыже ыле! Мемнан гидробиолог Петр Петрович Ширшов Северный Ледовитый океанын

йушб теченийже йымалне Атлантический океанысе шокош теченийым муынат, кузе чот тунам кугешнышна. Тыгеже полюсышто илыш уло! Тиде пеш кўлешан кугу открытий, вет мемнан деч ончыч кугу ученый-шамыч полюс районышто илыш уке манын ойленит.

Полярный обсерваторийын начальникше Евгений Константинович Федоров пеш йушб, шуйкышб поранан кечылаште пашам ыштен. Кидше кылмен гынат, вачке пудыргышо прибор-шамычым пеш шекланен кучылтын. Тудын дене Федоров кечын, тылзын, шуйдыр-шамычын мыняр кўкшытышб улмыштым, нунын коклаштышт угон-шамычым да мемнан ийын кусто улмыштым, тудын координат-шамычшым точно пален „Советский власть мыйым шуйдыр-шамыч умбаче шогалтен“—тыге Федоров шутитлен ойлен.

Мемнан ийна Северный полюс гыч югышыла 2500 километрымат утла каен. Тыге ме шуко исследователь шамычын йонгылыш шонымыштым—Центральный Полярный бассейн ныште уло ий-шамыч полюс йыр портит манын ойлымыштым коранденна.

Эн кугу куанышым, эн кугу пиалым мыланна кеч кунамат родной Москван йўкшо. Коминтерн лўмеш радиостанцийын дикторжын йўкшб конден. Мундыр Москва ий деч 4000 километр тораште огыл, а тыштак, мемнан воктенак улмыла тунам чучын.

Шуко жап тушто илымек, ме Кугу Мландыш толнат, тўжем дене ен-шамыч мемнам пеш шокушын, изак-шояк семын вашлийыч. Мемнан скромный пашанам Правительство кўкшын аклыш да, тиде награда адакат мыланна шуко у виный ешарыш. Шкенан родина лўмеш, Великий Сталин лўмеш, советский калык лўмеш кеч могай заданиймат шукташ ме чмде улына.

Шергакан йоча-шамыч! Шуко, пентгыдын да сайын тунемза. Шкендам вастоящий сталинецым воспитатлыза. Тунам те кеч могай нелылыкымат сенгеда.

Советский Союзын Геройжо

ЭРНСТ КРЕНКЕЛЬ.

## Граница вес велне


Центральный зонысо испанский республиканский армий тушманым чактараш ямде

Испанский центральный армийын генеральный комиссарже Хесус Эрнандес тыге ойлен: Центральный ден южный зоналасе мемнан армий шкенжын жизнеспособностьшым тичмашын арален да захватчикшамыч войскалан вооруженный отпорым пушаш планым чытыде вуча. Испанский республиканы армийже—калыкын ужашыже да тудын куртвб мушкындыжо. Командир ден комиссар гыч тунгалын пытаргыш боец марте мемнан пугынь армий шке отечественный интересе верч кучедалмыжым пеш чаплын шияча.

Республиканский испанский правительствын политикыже мучаш марте тушман ваштареш кредалме политика улеш манын, Хесус Эрнандес пытаргышлан палемдыш.

## УРОК ДЕЧ ВАРА

### Головоломка



Тыгай фигурым тыге ыштыза: кагаз деч карандашдам ида нблтал, ик линий гыч кок гана ида удырал, линий шамычда икте весыштым пўккын ынышт кай.

ТОКМУРЗИН ВОЛОДЯ.  
Тат. АССР, Буймо  
средний школа.

### Анаграмма

Тамле емыж мый улам,  
Но вашталтен ик буквам,  
Шынде вес буквам—  
Кол кучымо ўзгар диям.

КОЛЯ ГЛУШКОВ.

Шернур район,  
„Б-Лужала“ колхоз,  
Мустай ял совет.

### Шарада

Шарадем Азияысе эл.  
Первой слогым каласа  
Тусо энгер.  
Кокымышо слог—  
Кылмыше вўд.

НИКОЛАЕВ ФИЛИМОН.

Морко КШ.

### Ответ-шамыч

(1 январьсе „Ямде  
лий“-ым ончо).

Географический йодыш-шамыч. 1. Таймыр. 2. Кильский—Кольский.

Ответым чын колтен—Семенов Николай (Шернур средний школа).

(10 январьсе „Ямде  
лий“-ым ончо).

Шарада-шамыч. 1. Волга. 2. Юпитер.

Географический йодыш. Лена. Калык тушто-шамыч. 1. Шудо. 2. Кече.

Логогриф. Ангара—Анкара. Ответым чын колтенит: Николаев Ипат ден Павлов Викентий (Морко район, Шенгедур начальная школа).

Отв. редактор—  
И. М. МУЗУРОВ.

## КУЗЕ МЕ ЯПОНСКИЙ САМУРАИ-ШАМЫЧЫМ ШАЛАТЕН УЛЫНА

Хасан ер районышто лийше событийым чыланат палат. Тудо 1938 ий 29 июльшто тунгалын. Японца-шамыч тиде кечын, кечывалым кенета Безымянныйым атакватленит. Тиде жапыште Безымянныйыште мемнан 11 ен—пограничный отряд гына лийын. Пограничник-шамыч мужественно, лўдде кредалыныт. Но японца-шамычын вийышт кугу лийын. Садлан Безымянная высотам мемнан пограничник-шамычлан кодаш логалын. Но пограничный отрядын резервше выступитлен да японца-шамычым поктен колтен.

31 июльшто да 1 августышто Хасан ер районышто чарныде кредалмаш каен. Мемнан пограничник-шамыч тушман ваштареш мужественно кредалыныт. Японца-шамыч шуко еным йомдареныт. Но нунын вийышт шукурак улмылан, мемнан пограничник-шамычлан ик жаплан чакнашышт логалын.

2-шо августышто мемнан боец-шамычна тушман-шамычым Хасан ерын вес могырышкыжо поктен колтенит да Заозерная ден Безымянная сопка-шамыч дек лишемныт. Боец-шамычлан неле условияште кредалаш логалын. 6 августышто мемнан

(Хасан ер районышто лийше кредалмаште участвоватлыше И. С. Волнов йолташын ойлымышыже гыч)



Хасан ер районысо кредалмаште участвоватлыше Волков Йолташ Йошкар-Ола 6 № школышто тунемше пионер-шамыч дене беседоватла. Кызыт Волков Йолташ Марийский Коммунистический ял озанлык школышто тунемеш.

Фото М. Чуршуковын.

чапле боец-шамыч Заозерная сопкам шке кидышкышт налыч. Тушто йошкар флаг шогалталте. Варажым Безымянная высота верч кредалмаш кайыш. Японца-шамычлан шалатыше уда-рым пумо.

Мемнан боец-шамыч тале, лўдымб улмыштым пеш чаплын ончыктышт. Артиллерий моткоч чаплын пашам ыштен.

Икана японский эскадрилья граница гоч чонештен эртынеже ыле да бомбитлаш шонен, но мемнан истребительный отряд тудым граница лишак конден огыл, чакнаш заставитлен.

Связист-шамычын куд еган команда японский ротым строй гыч луктын.

9 японский самолет мемнан передовой позицией бомбитлаш шонен лектын, нунын ваштареш мемнан ик истребитель лекте. Мемнан истребитель ик японский самолетым шалатыш, весым чот гына перыш, а молышт мбнгеш савырынышт.

Мый младший командир ылым. Варажым средний командирын пашажым доверитлышт. Пашам сайын ыштымемлан „За отвагу“ медаль дене наградитлаштынам.